

Broj: 03-04-2-161/24

Datum, 25.09.2024. godine

Federalno ministarstvo pravde, rješavajući po zahtjevu udruženja: Udruženje majstora za upis u Registar udruženja, na osnovu člana 29. stav (1) Zakona o udruženjima i fondacijama („Službene novine Federacije BiH“, broj: 45/02) i člana 200. Zakona o upravnom postupku („Službene novine Federacije BiH“, broj: 02/98, 48/99 i 61/22), donosi

RJEŠENJE

1. Upisuje se u Registar udruženja u Federaciji Bosne i Hercegovine udruženje pod nazivom: **UDRUŽENJE MAJSTORA**, skraćeni naziv udruženja: „**UM**“, sa sjedištem u **Sarajevu, ulica Begovac broj 6**.
2. Upis je izvršen pod registarskim brojem **2404**. knjiga **V** registra, dana **25.09.2024.** godine.

3. Ciljevi udruženja su:

- da što bolje i efikasnije kroz svoje udruženje majstori sa područja Federacije Bosne i Hercegovine mogu delegirati svoje probleme, ideje i potrebe ka svim relevantnim nivoima vlasti;
- razmjena ideja, mehanizama rada, prikupljanje informacija te razmjena iskustava i dobih praksi;
- ostvarivanje prava radnika i svaka dozvoljena vrsta pomoći u njihovom radu i djelatnosti;
- promovisanje prava radnika;
- pružanje edukacije iz prakse za prekvalifikaciju radnika;
- zaštita i promocija ljudskih prava;
- borba protiv siromaštva;
- zaštita starih i iznemoglih majstora;
- pružanje zaštite na radu u smislu obuka, osposobljavanja za siguran i zdrav rad i edukacija za obavljanje posla;
- zaštita radnika od mobinga;
- smanjenje nezaposlenosti;
- svaki vid pomoći za smanjenje rada na crno;
- svaki vid pomoći za registraciju obrta za članove, a sve u cilju smanjenja rada na crno i povećanja uplate doprinosa u Budžet;
- zaštita interesa članova udruženja;
- humanitarni rad;
- zaštita i pomoć porodica preminulih majstora;
- zaštita krajnjih korisnika majstorskih usluga;
- aktivno učestvovanje u davanju prijedloga i inicijativa za izmjene Zakonske regulative u oblasti rada, radničkih prava i zaštite na radu;

- uspostavlja saradnju sa institucijama, udruženjima, medijima i istaknutim pojedincima u zemlji i inostranstvu u cilju unapređenja aktivnosti i ostvarivanja ciljeva Udruženja;
- ostale aktivnosti kojima se unapređuje rad udruženja.

Navedene ciljeve Udruženje je dužno ostvarivati u skladu sa važećim zakonskim propisima.

Djelatnosti udruženja su:

- obezbeđivanje sredstava kroz razne programe (projekte, poklone donacije i sl.) u skladu sa Zakonom;
- organizira i sprovodi okupljanja majstora, u skladu sa Zakonom;
- iniciranje humanitarnog i volonterskog rada s ciljem unapređenja kvaliteta života;
- razmjena iskustava sa udruženjima koja imaju iste ili slične aktivnosti;
- informisanje šire javnosti o problemima sa kojima se mogu sretati prilikom potrebe za uslugama majstora;
- razmjena iskustava i uspostavljanje saradnje sa istim ili sličnim udruženjima i organizacijama u zemlji i inostranstvu, javnim institucijama, lokalnim organima vlasti, privrednim društvima u svrhu ostvarivanja ciljeva, a u skladu sa Zakonom;
- obavljanje i drugih djelatnosti koje su povezane sa ciljevima udruženja.

Navedene djelatnosti Udruženje je dužno ostvarivati u skladu sa važećim zakonskim propisima.

4. Udruženje ima svojstvo pravnog lica, a predstavlja ga i zastupa **MIRALEM DURAN – Predsjednik Udruženja i ADMIR BEĆIRAGIĆ – Predsjednik Skupštine Udruženja**.

5. Naknadu za upis u Registar u iznosu od 200,00 KM, Udruženje je dužno uplatiti na Jedinstveni račun Trezora Federacije Bosne i Hercegovine.

O B R A Z L O Ž E N J E

Udruženje majstora obratilo se zahtjevom za upis u Registar udruženja Federacije Bosne i Hercegovine koji se vodi kod Federalnog ministarstva pravde.

Uz Zahtjev za upis u Registar udruženja je priložena sljedeća dokumentacija:

- Zahtjev za upis u Registar udruženja – obrazac broj 1.
- Odluka o osnivanju Udruženja/Osnivački akt Udruženja majstora, broj: 01/24 od 30.05.2024. godine
- Podaci o osnivaču – obrazac broj 4.
- Ovjerenе ftc. lične karte osnivača
- Obavještenje o evidenciji prebivališta, broj: PB3-595932-24 od 03.06.2024. godine - MUP KS, SARAJEVO STARI GRAD
- Obavještenje o evidenciji prebivališta, broj: PB3-949536-24 od 03.06.2024. godine - MUP KS, SARAJEVO CENTAR
- Obavještenje o evidenciji prebivališta, broj: PB3-949669-24 od 03.06.2024. godine - MUP KS, SARAJEVO CENTAR
- Svojeručno potpisane i Izjave ovjerene kod nadležnog organa - 6x
- Popis članova upravnog tijela – obrazac broj 5. (Predsjednik Udruženja)
- Ovjerenа ftc. lične karte imenovanog lica (Predsjednik Udruženja)
- Popis članova upravnog tijela – obrazac broj 5. (Predsjednik Skupštine Udruženja)

- Ovjerena ftc. lične karte imenovanog lica (Predsjednik Skupštine Udruženja)
- Zapisnik sa osnivačke Skupštine Udruženja majstora održane dana, 30.05.2024. godine sa potpisima prisutnih članova
- Odluka osnivačke Skupštine o imenovanju Predsjednika Udruženja, broj: 04/24 od 31.05.2024. godine
- Odluka osnivačke Skupštine o imenovanju Predsjednika Skupštine Udruženja, broj: 03/24 od 31.05.2024. godine
- Odluka osnivačke Skupštine o imenovanju lica za zastupanje i predstavljanje Udruženja, broj: 05/24 od 31.05.2024. godine
- Statut Udruženja majstora, broj: 04/24 od 31.05.2024. godine (2x)
- Dokaz o uplati naknade u iznosu od 200,00 KM za troškove upisa u Registar udruženja (Uplatnica od 03.06.2024. godine – SPARKASSE Bank)

Uvidom u priloženu dokumentaciju utvrđeno je da su ispunjeni svi uslovi predviđeni Zakonom o udruženjima i fondacijama za upis u Registar udruženja, pa je slijedom navedenog riješeno kao u dispozitivu rješenja.

Naknada za upis u Registar utvrđena je po rješenju federalnog ministra pravde broj: 01-341-750/14 od 18.02.2014. godine, na osnovu člana 54. stav (1) Zakona o udruženjima i fondacijama i člana 24. Pravilnika o načinu vođenja registra udruženja i fondacija i stranih i međunarodnih nevladinih organizacija („Službene novine Federacije BiH“, broj: 61/02, 8/08 i 78/10).

POUKA O PRAVNOM LIJEKU:

Ovo rješenje je konačno u upravnom postupku, te protiv njega nije dopuštena žalba, ali se može pokrenuti upravni spor. Upravni spor se pokreće tužbom kod nadležnog suda, u roku od 30 dana od dana prijema ovog rješenja. Tužba se podnosi u dva istovjetna primjerka, a uz istu se prilaže i ovo rješenje u originalu ili prijepisu.

3

Dostaviti:

1. Udruženje
 2. Porezna uprava Federacije BiH
 3. Federalno ministarstvo rada i socijalne politike
 4. Zbirka isprava
 5. Arhiva
- E.F.

